

申報評論選

第一集

申報評論選 第一集

目次

張序

自序

政治

五〇

絕食呼籲和平……………一 言論自由之真義……………三 官僚政治與專家政治……………八

北方將設政治分會……………一 建設廉潔政府……………一四 四屆一中全會……………一七

謹貢獻於一中全會——整頓軍事……………二一 謹貢獻於一中全會——改良教育……………二三

謹貢獻於一中全會——整理財政……………二六 嚴重時期國人應有之覺醒……………三四

正告政府與國民……………三六 節縮政策與廉潔政府……………三九 正告二中全會……………四三

評二中全會……………四六

經濟……………二〇

中國經濟學社當前之鉅責……………一 五年計劃的先決問題……………二二

教育……………三八

今後教育上基本問題之討論……………一 認清環境認清責任——敬告全國大學生……………一〇

敬告中小學教師……………一四 學生軍應有之認識……………一七 學生愛國運動平議……………一九

國立大學校長辭職……………二三 教育破產與政府之責任……………二五 教育經費急應獨立……………二八

抗日救國運動中教育界之責任……………三一 國難中教育界應有之自覺……………三四

災荒……………四六

霪雨之禍……………一 急救水災……………四 救人與自救……………六 總動員與普遍救濟……………八

長江流域之災况……………一〇 黃河流域之災况……………一二 珠江流域之災况……………一三

爲災民請命……………一五 緊急之民食問題……………一八 長江流域水患之新危機……………二二

移軍隊與洪水作戰……………二五 速捐錢賑災……………二六 爲武漢災民請命……………二八

救濟水災與民族之興替……………三一 日皇救助水災感言……………三三 爲辦賑者進一言……………三六

收買東北糧食之商榷……………三八 今後災民衣的問題……………四一 抗日勿忘救災……………四四

國際……………一二一

大平洋國際學會之展望……………一 甘地第三次入獄……………三

洛桑會議之前途……………七

東北禍變……………四〇

日軍突然佔據瀋陽……………一 世界列國其注意日人之暴行……………五

申報評論選 目次

四

國人乎遠猛醒奮起……………八 抗日救國運動中軍人之責任……………一一

抗日救國運動中一般國民之責任……………一三 日本對華強硬政策與抗日運動……………一六

「滿蒙」正名…………一九 九月十八到十月十八…………二一 吾人對於日犬養毅組閣應有之認識…………二四

異哉所謂「清日密約」…………二八 收回失地與討伐偽國…………三一 毋忘甲午戰役的教訓…………三三

異哉松岡洋右之游說…………三五 告溥儀等國奸一羣…………三八

上海禍變……………一二一

日本往那裏去……………一 中國的出路何在……………三 質問關內東北軍……………六

諸軍縮會議代表遙聆上海炮聲……………八 募藥禦侮公債……………一〇

募集興國公債……………一二 抵抗與同情……………一四 禦侮興國之先例……………一六

雜文……………四〇

本報六十周年紀念年宣言……………一 從今年雙十節到明年雙十節——一年的計劃……………五

一年來我國的發育·····	一一
一年來的天災和人禍·····	一七
一年來的經濟·····	二一
一九三二年世界之展望·····	三四

專論·····

二八

研究東北·····	一
研究日本·····	八
所謂中村事件·····	一五
日本實行金再禁·····	二一

附錄·····

六四

胡佛主張緩付戰債之研究·····	一
東北中日鐵道協商之重大性·····	二七
爲萬寶山案忠告日人韓人并最國人·····	四五
爲爭言論自由致汪精衛先生書·····	五七

張序

數年前，即聞陳彬龢君專心研究東北問題與日本國情，并研究世界大問題，意必爲勸學勤懇之士也。及去年由史量才先生介紹一見，慷慨談時事，動中緊要，貌恂恂而意氣發揚，吾又知其爲血性男兒也。迨入本館後，日課一評，凡關政治、教育、社會上一切重要問題，無不窮究其本原，闡發其義理，所言皆爲人之所欲言，而又不能言者。對於九一八以後日人之侵略行動，尤能痛揭其野心所在，而一以公正無私之態度出之，雖不作小儒申申之詈，而義正詞嚴，足以間執強日之口。至其論新聞界自身之立場，尤主張把持時代，新聞記者應爲時代之先導，此誠千古不磨之論。惟然，而我之所以期望於彬龢者益殷切矣！蓋時代之爲物，變動而不能一息停滯者也。世事日進於繁夥，人類思想日進於新穎，社會狀態日進於複雜，國際形勢日進於機巧，科學文化亦日進於精密，一切皆有長足之進展，則我人之所以應付此時代把持此時代者，尤須奮勉我學問先時代之變動，而日即於新培養我才識能力，先時代環境之打破而樹立新時代之基礎，如是，始足以言引

導新時代。彬穌果抱持此主旨以往，則視今日二十餘萬言之論評，以爲尙無背於今日之時代者。他日自視，安知不又將認爲陳舊而落後乎？時代無止境，學問亦無止境，時代之進展決不能全依直線，則我人應付此時代，亦不能盡摒委曲之途徑，而逕直以進，思想落後，固有背乎時代，而超越急進，亦足阻礙時代之進展。吾以此貢獻於彬穌，望彬穌努力奮鬥，常常認清時代之裏面，并常常站立於時代之前面。

民國二十一年四月廿二日張蘊和

自序

記者自去年六月間應史量才先生之約，加入申報服務，迄今已逾時半載。檢點半年來率爾操觚之評論，積二十餘萬言。爰選其主張之差有以供國人之討論者，輯爲專刊。再災梨棗，自感慚怍；然假如能藉此以博取社會之指導，俾今後所主張者不至與社會之要求相逕庭，而克盡其言責，則本刊之輯，當亦不爲毫無意義。

邇年來以厲行「黨治」言論自由入於牢獄，而政治則日益紊亂，寢以致今日危急存亡千鈞一髮之局勢。記者認爲今日而欲打破國難，挽救我民族之危機，惟有全國人民一改過去「不在其位，不謀其政」之觀念，起而爭取自由，監督政治，庶能使政治漸以步上軌道，民族漸以進入光明之前途。記者自顧譴陋，然職責所在，玆後亦當愈益黽勉將事，操禿筆以爲先驅。

抑記者尙有未能已於言者：由於教育之不發達，與文化之不進步，以及新聞界不能與社會打成一片，我國對於新聞事業向不重視，今後教育如不能推進，新聞界如不能切實打入各個社

會層，此種現象如不能改變，則我國新聞事業殆將永難臻於發達，社會殆將永無真實足以代表民意之輿論機關。記者認為新聞紙之責任，在於發揚文化，介紹新知，代表人民，教育人民，為人民之喉舌，同時又為人民之學校，對於現實作公正之批判，對於未來，作正確之引導，惟其如是，故從事新聞事業者，應公，應正，應有清晰之頭腦，應有銳利之觀察，尤其應能把握時代，立於時代之前面。至於新聞紙之本身，經濟亦必須獨立，絕不容受任何方面之津貼與補助，蓋經濟能獨立，而後新聞紙之生命乃能獨立，有獨立之生命，而後紀載乃能公正，觀察乃能明確也。本報自創辦迄今，恰為六十年，為功為罪，自有公評，但近二十年來，以史先生量才之艱苦奮鬥，本報經濟得以完全獨立，本報生命亦得以屹然生存，守正不阿，則記者所敢舉以公告世人者也。

記者以人事較繁，讀書時間，常苦不足，在工具方面，外國文字亦苦不夠應用，而本輯諸評，則更率皆成於倉卒，初未有充分之時間，充分之書報，容我作比較充分之研究。急就之章，工拙非所計；但使所陳述尚未至如何離乎事實，所主張尚未至如何背乎時代，則亦已差慰私衷耳。

本報先輩張先生蘊和，年已五十九，而思想則與時俱進，在報三十二年，無間寒暑，每日到必

先人，退必後人，和藹謙恭，操持不苟，爲本報之柱石。記者在本報爲後進，每日必面先生請益，薰陶啓迪，受惠實多，誠爲記者之良師。本刊之輯，卽以獻呈先生，并爲先生壽。此外李組紳黃任之陶知行楊幸之諸先生平時指導討論，江滙益陳廣雅鄒雲濤三君及內弟湯君建勳，助我搜集材料，益我亦多，在此，記者謹特一併表示誠摯之謝意！

一九三二年兒童節

申報評論選 自序

政治

絕食呼籲和平

自東北事件爆發以來，國人忱外患之日亟，痛內亂之無已，義憤所激，不可遏抑，於是蹈海自殺者有之，斷指血書者有之，近復有天津北洋工學院代理院長王季緒，及鎮江中學學生鮑恩獻，薛白因之悲憤絕食，冀以艱苦之行動，迫切之呼籲，促起當局之最後覺悟，俾和平統一能得早日實現。此種愛護國家之熱忱，與艱難卓絕之苦行，誠足以動天地而泣鬼神，其舉可敬，其事則尤足哀鳴呼，民之所惡，竟有甚於死者，吾人聆此，更復能作何言？

雖然，吾人究有未能已於言者：絕食呼籲，苦則苦矣，誠則誠矣，然而此種消極怯弱之表示，在事實上既未必遂能促起當局之悔悟，而在另一方面，適足以證明其未能認清本身所處之地位，與神聖之權力，故其在意識上所表現者，有類乎「愚忠」，冀以至誠上動天聽，而在行為上所表現者，則又近乎「尸諫」，竭其愚忠，陳尸以諫，稽之往古，亦未必遂能挽回「天意」，時至今日，對

建君主愛國愛民之道德意識，既已完全剷去，而個人主義的利己觀念支配慾望則顛撲不破，連年內戰，伏尸千里，今年水災，萬里陸沉，日禍突發，山河破碎，民生憔悴，國勢飄搖，凡此事實，呈現目前，其慘傷危難，足以令人動心駭目，而予以深刻之刺激者，奚止萬千倍於三數人之絕食？而當局於此事實，竟若漠不動心，則又豈三數人之絕食，與微弱之呼籲，所能促其覺悟，喚起其自動悔禍之心？夫民主之國，以民爲基，主權在民，政府措施乖方，則人民應起而大聲發言，以大衆之公意，監督政府之行動，使其無悖於大衆之利益，此乃爲負責之民衆，此乃爲足以立國之民衆。移絕食之苦行，移痛哭流涕之精誠，致力於其他正當而有效之工作，何事不成？已有權而不行使，已有力而不發揮，徒以怯弱之行爲，效「尸諫」之故智，吾見其愚矣，未見其可也。日人有名彼末者，於上月廿三日在大阪滿蒙時局懇談會中，曾謂：「中國人個性最強，好似一粒之沙，而日人形成一國家時則最強，恰如十敏土。」此言最足以促我國人之反省！王君等之絕食呼籲，正所謂沙之堅強也，但散漫之沙基，終不能建築崇樓大廈，膠凝散沙，團結牢固，發揮沙之堅強，使成爲十敏土之堅強，換言之，即應以積極之精神，喚起國人作堅強之團結，以共弭內亂，共禦外侮，王君等之絕食，正無異

於蹈海自殺，除博取社會數聲低微之慨嘆，益消失青年進取奮鬥之精神而外，他復何有？此事實之足以使吾人感喟無已者已！

於此，吾人更敢正告當局：內困洪水，外迫強敵，瘡痍未起，失土未復，國如累卵，民苦流離，人復何心，尙不能竭誠共信，同赴國難？張伯苓先生曾以蹴球喻政治，謂蹴球之目的，在於蹴入對方之球門，但絕非一球員單刀匹馬所可長驅直入，一脚蹴進，必全隊球員互相傳遞，協力共進，始能破除阻力，攻入敵門；爲政之道，正復如斯，力不必出諸一己，功不必自我獨成。此喻最切，民苦深矣！民望切矣！即使目前之和平統一爲相安於一時之局面，民衆固亦足以慰情勝無，彼三數人之絕食，固不足畏，而此三數人怨生樂死心理之普遍，則最足畏！人民今都具此心理矣，當局再不覺悟，更待何時？（廿十一，五）

言論自由之真義

比日本埠各報，忽無故遭受扣發，此一事實，顯爲非法！昨既已由日報公會宣言抗議，并決定

自即日起絕對不受任何檢查，絕對不受任何干涉。今請更就言論出版自由之法律與事實各方面，予以闡述，以明言論出版自由之真諦。

夫所謂言論出版自由，就法律之立場而觀之，則有其絕對之神聖，爲任何人與任何勢力所不能侵犯。人爲社會的動物，生而有思，思而必表之以言，以博取社會之反應。爲使思之作用之擴大也，則更進而刊其言流播於世。故爲發展個人之思想，爲啓闢知識之寶藏，爲增進人羣之福利，言論出版之自由，蓋至爲高尚，此種基本人權，人各享有。但使不濫用此種權利以危害大眾之福利，則任何人固都未嘗受有超出常人之特權，而容許加以侵犯，擯他人之唇舌而命之曰：此可言，或此不可言，束縛他人之神經中樞而命之曰：此可思，或此不可思，掩蔽他人之耳目而命之曰：此可視聽，或此不可視聽。固矣，在維護整個社會福利意義之下，吾人固不能否認社會公衆有此種特殊之強制力，但固執一種不合乎公意之觀念，就一種劃定之路綫而予他人之言行以着色之觀察，更就主觀之立場而予以偏蔽之判斷，則此種不公平之強制力，適爲人羣之障礙。抑且吾人誠不解行使此種強制力者，是否能必其所行而爲絕對正確，蓋彼亦爲常人而並非天縱之聖，假

如其所行而非正確，則其本身已爲悖逆人羣之公意，爲擾害社會之秩序，爲以強力取得不正當不名譽之特殊權利。人民非皆爲襁褓中之嬰兒也，即嬰兒亦自有其啼笑之自由，呀喔之自由，任何人不能強加限制，故西諺有云：「好政府非自治之代替，」吾人更可廣其意而聲言曰：「真正之自治，必須有真正之自由，人羣真正之公意，亦依賴於人羣言論之真正之自由。」

正以言論與出版自由，關係個人與人羣如此其深切，故世界各國都視爲國民應享之基本權利，而特接受社會之公意，鄭重刊爲法律，而予以保障。去年四月二十，我政府亦曾明白命令：「……凡在中華民國法權管理之內，無論個人或團體，均不得以非法行爲侵害他人身體自由及財產，違者即依法嚴懲不貸。」言論出版自由，則固自由範圍中之一部分也，而今年國民會議三讀通過之約法第二章第十五條，亦明白規定：「人民有發表言論及刊行著作之自由，非依法律不得制止或限制之。」如國府命令與約法所規定，則已明白說明言論出版自由爲合法，而無端加以限制，即爲非法，民意即法律，今干涉自由則已非民意。法律爲保障自由，今侵犯自由，則已違背法律，故自人羣公衆之福利而觀，以及法律之見地而觀，言論出版之自由，應有其絕對之神聖，